

雪
堂
叢
刻

鶴澗先生遺詩

上虞羅振玉集錄

題畫

竹徑饒幽逸柴門少送迎泉聲澎湃處雜亂讀書聲

仿倪高士山水並附小詩

淺艸沙汀路無人屣步還白鷗多謝汝同我看青山

題畫山水

黃葉迎風落秋聲吹滿庭竹枝僧院裏清耐雨中聽

又

萬里江流駛乘風直上天我將吹鐵笛驚起老龍眠

卽事二首 丁亥十月朔

愛此第堂寂寒風夜轉深嶺猿能效客霜外背人吟
戍鼓秋停際村春夜了時老夫詩思苦只有候蟲知

臨惠崇小景和白石翁韻

青山帶茅屋流水板橋斜幽人醉初醒明月在梅花

仿巨然小景

綠樹繞芳村紅雲倚高塔深林人語稀鳥鳴自相答

摹黃鶴山樵山水

過雨湖流碧乘涼盪小舟松陰垂釣坐六月氣如秋

題畫

摧岸汙流渾穿林水氣昏山家無个事十日不開門

揚州感舊

揚州城外草芊芊爲憶秦箏舊日緣腸斷不堪回首望綠楊風
下少秋千

出黃山後寄黃虞道士

白雲遮斷青山院絳節遙看鶴背閒惟有泉聲能惜別二更相
送到人間

飲虎邱山下

小飲鱸頭醉似泥幸逢良友爲招攜醒時記得歸時路一半殘
陽掛柳枝

題畫山水

艣枝搖去風欲起客枕欹時天未昏
數聲清磬水烟滅日落山僧歸廟門

陽山白龍廟前老樹內寄生槐樹一
枝綠陰如蓋殊爲可觀予以春日過
其下徘徊不能去爲作詩紀之

山僧指樹爲予說樹老心空有歲年
親見野鴉銜子入種成槐樹復參天

題趙松雪平林秋遠圖

秋林繫馬鋪茵坐黃葉隨風點碧苔
我亦湖南蕭寺裏日斜寒

殿兩株槐

贈女校書張憶孃

此詩亦題張憶孃簪花圖卷中卷今藏粵中辛氏茲仍照手稿原題書之

六年前見傾城色猶是雲英未嫁身
今日相逢重問姓座中愁殺白頭人

光福舟中贈女校書陸小蠻

曉日船頭滿翠微菰蒲秋水見漁磯
白鷗也自知人意只傍紅妝不肯飛

盲女金娘善歌有殊色以扇索書賦贈

歌憐翠黛雙眉歛醉憶燕支兩頰酡
我把好花摹豔色海棠春睡不如他

由木瀆入崇禎橋

黃葉吹殘晚寂寥
疏楊木瀆水蕭蕭
驚心忽下天涯淚
猶有崇禎往日橋

虎邱贈山陰戴南枝

四海都成戰伐塵
家山回首各沾巾
月明夜靜千人石
只有酸心兩個人

虎邱夜宿

讀易山齋月照林
四更危坐一燈深
倦來忘却關窗睡
雲入孤帷濕滿衾

虎邱

寺門歸路柳隄東
十月繁霜唳早鴻
好是日斜人去後
一天紅

葉下西風

虎邱卽事

賸有閑懷老不禁手扶筇竹下階吟
山家一月無人到青草門前許樣深

西湖寓樓毛大可洪昉思爲予填詞約歌者未至

紅么點就新詞譜未遣尊前按拍歌
如此好山如此水老翁相對柰愁何

題吳夙山天都看雲小照

十年前亦到天都擬倩長康作此圖
先得我心惟有子未謀君面却愁吾

寄方望子

黃山三十六奇峰絕頂能將帝坐通此夕結茅雲海上共誰騎
虎月明中

鄧尉山看梅酬宋中丞

山色湖光兩不分晴烘香靄白於雲畫船泊在梅花下我我吟
翁共使君

題黃鶴山樵聽雨樓圖卷

湖天過雨水冥冥吹綠東風艸一汀絕似銅坑橋上望遠山如
髮向人青

題畫筍

籀龍新長滿前汀想見枝生葉更青便擬與君同側耳秋聲齊
向畫中聽

繡谷堂中牡丹今歲惟開一枝楊子鶴馬扶義徐采若暨
目存上人各爲作圖王石谷補一石余爲題句

四人分寫一花枝寫出傳看朵朵奇恰似蘭亭撫榻本淺深肥
瘦各相宜

白頭公鳥

霜鬢逢春可自由老人端的爲多愁不知小鳥緣何事也向花
前白了頭

雕

天山白草路橫分日暮悲笳不忍聞想得玉關方轉戰
皐雕風起欲盤雲

芮玉權招飲同章穎叔諸子卽席分賦

選石支茶竈留賓啓竹關繞籬雙澗水對酒一樓山
屋小疑僧住林空羨鳥還買田吾有意終傍二溪間

卽事寄吳門知交

相思不可道日暮更登臺樹影當窗入山形抱郭來
停杯溪雨到打鼓客船開獨有忘機鳥飛鳴去復回

江山遊覽詩同長兄勉中賦

北固橫天塹登高杖短筇馬嘶殘夢月鴉避落帆風
草木春城北

外江山戰壘中孫劉饒往蹟流覽意無窮

程汝諧移居

斟酌橋邊市花園巷裏居石牆低見屋山溜暗通渠有客攜詩卷從親奉板輿此中多勝境應不羨華裾

遊堯峯

予年十四侍先大夫遊雲巖次日雪霽稟命遊堯峯與先伯兄勉中著屐以往方當幼年賈勇直前雖泥滑野田穿林覓路未知遠也叩關訪月函師留談甚適謁吳文定公象以歸夜坐聽繼起暨檠庵卑牧彙藻諸師茶話夜分而後寐今四十六年矣先大夫既見背而諸老

亦無一存者丁亥十月四日王子芋田吳子梅圃招遊
欣然從之力盡登山遇京口約庵僧追數疇昔不禁感
傷成此一律勒之厓石爲山中故事也

堯峯千仞勢崔嵬與友招尋厯上台村口樹紅無客到松根雲
白有鐘來半空花雨經時落百道湖光繞寺開相遇遠僧談往
事昔賢俱盡不勝哀

予行市上見文衡翁榜書洞涇艸堂四字愛而購之適融
川結屋涇上遂以相贈懸之堂中爰集賓客賦詩紀事
予爲作圖亦附一律

洞涇題榜爲何人舊墨衡山紙尙新恰值艸堂開勝境故應神

物會延津蕉邊客到煎茶日水面船歸放鴨晨如此清光堪結
隱可容漁釣作比隣

重宿虎邱改過軒三首

旋掃苔階坐晚天更教烹茗試新泉一春花儘梅先放半載牀
應客再眠星影白來窗紙上鐘聲清到火鑪邊不禁起語呼童
醒明日看山要酒錢

矮屋三間雨後天相過仍愛好林泉歌聞妓舫宵猶唱春怪隣
家夜未眠野店風光晴自得山街花事樂無邊汪倫畫手人爭
乞那少春來掛杖錢

斗室春回別有天宵寒端賴酒如泉牆驚火照兒推醒僧打門

歸客攪眠老鶴忽鳴松頂上殘星猶掛屋西邊買船自有探梅約却怪囊慳杜甫錢

喜鍾有錫成進士

庚辰

聿數前朝籍可憑先人與令祖同登慚予子姪難爲繼羨爾簪纓已克繩丰度入班推玉笋才華分餅豔紅綾白頭忝屬通門誼及見成名喜不勝

贈梅桐崖中丞

庚辰

老我林泉一布衣逢迎未慣莫相譏絲蘿幸締同心久衰繡欣看便道歸君恕白頭容野性人欽青綬見風威武彝山好無因到倘許追尋興不違

送黃虞外史方望子入黃山修練

詩成當代說方干何事辭家久不還
眼底烟霞非故國夢中桐柏是名山
花深古竈憑燒藥月冷啼猿爲守關
只是白頭慈母在不教容易別人間

送友人之任益陽辛巳人日書於宛谿之倚桂軒

麴塵波泛木蘭舟才子之官實壯遊
人過隋隄長映月地當湘浦定宜秋
賦成鼓瑟無青眼政就題屏尙黑頭
莫訝神清同洗馬衛家冰玉總風流

戰後河山帶夕陽美人爲政有甘棠
題詩豈必如彭澤飲酒終須憶建康
賈誼才名羞絳灌江淹詞賦重齊梁
氣吞雲夢知多

少遙指吳天寫影翔

方與可自黃山來吳初寓閭門已移寓胥江新安會館題
此贈之兼柬其令兄望子

路近南隣得艸移裝差可當還鄉梁鴻吳會依皋廡朱子崇
安署紫陽官渡趁潮搖亂榜女牆銜月下新霜懸知兄弟論心
處尊酒城陰夜未央

題畫

古樹禿槎枒長日憇其下便此幽閑地樂得人事寡老已厭琴
書閒卽尋杯罍幸隔城闌遠目不觸車馬世自與我違我非忘
世者